

四庫全書

集部

欽定四庫全書

集部

弇州四部稿卷十二

詳校官侍讀學士_臣陸伯煊

中書_臣劉源溥覆勘

總校官原任中允_臣王燕緒

校對官檢討_臣盧應

謄錄監生_臣許溶

欽定四庫全書

弇州四部稿卷十一

明 王世貞 撰

詩部

五言古體六十五首

曉起獨步沿荷池

初日乘餘霽
洒然釀輕涼
近市喧未起
羣動各相忘
問我何為者
出門釣滄浪
環以清淺流
枕以綠蘿莊
新荷

欲舒翠輕颺散微芳游魚點點見一鳥高低翔泝沿路
不極含軫與俱長

西園雅集為鄴中諸王作

改服乘春豫徵徒何續郁苑薄孟門塞椒崇鄴河曲霞
空散叢綺風漪寫文穀茹翻馴鹿至棠漾輕鷗逐桂魄
徂屢謝蘭膏禪相續東西迷席改昏旦邁歡促搦管俱
驚先飛觴競謀速王其梁陳軌賓亦鄒枚屬名非履亢
顯道以撝謙篤設醴知不哀官今益湯沐

棘寺春集

大理卿朱公試

肅肅廷尉署藹藹滋春陽薰風自東來吹萬悅羣芳幽
花媚和色繡栢辭玄霜化永公府寂政簡初日長振策
從英乂幸邁此高堂雍容盛冠珮朗郁森琳琅情至分
欲舒道邇契自彰暫言謝紛囂高揖稱虞唐白雲流飛
解迴景就移牀簷際鳥上下雖聲效和鳴佳辰豈不欣
無乃流太康職思寅恭義載申伐木章

西山道中候于鱗不至

弭駕登崇椒迴眸注遙鞅山谷日蒼蒼寒蟬振悲響修
途浩無端征車遞來往顧此塵中士胡然殫余想聊失
在須臾浩如隔雲壤意子或見遲踟躕兩相嚮

仲夏昌平道中

初陽鳴倉庚仲夏氣清淑東風蕩平蕪如剪湖水綠微
流縈客騎遠餉附村犢嬾女四五人來刈麥禾熟農事
豈不疲懽言得所欲鳥雀呼相啄餘喧在喬木行役多
自愉胡為悲局促

秋日過于鱗郡齋分賦十體得發字

入門登君堂筐篚相羅列大婦治酒漿小婦為炊食兒
年十五餘冠裳來肅客感君纏綿意含吐待君擇袖中
雙驪珠光輝同秋月恒恐風雷掩重襦不得發念當為
歡始胡言悲乖別河漢經高天牛女成岐濶非無深宵
契曦暉難為悅列宿繁如雨焉知中所結

秋日垂暮郊眺有感

跡往忽若冥念來浩無倪遨遊將抒抱更使中不夷東

輪背西鞅荒楚屬中遶半眠平蕪合鬱術浮雲馳回首
崦嵫湛悅覩皇乾早赴暝無停色噓枯有餘悲饑兔走
顧置倦鳥詳惡枝豈不懷休飭虞在羅伏機奈何服明
哲俛首就銜羈大火彌原來馬能以瑾辭龍戰遺園綺
鴻冥辨孫嵇神龜安曳塗雄雞憚為犧馮生超自洒人
理其庶幾

秋日與諸大夫登後湖閣宴眺有述

崇麗多攀跼置遠足徜徉豈若登茲閣二美適有當高

棟切天居華燕冠文昌涼颺躡嘉蔭落日暴崇岡千甍
波鱗踊雙闕風翼張馳道東西直輪鞅正縱橫俯瞰澄
湖波皎若明鏡光鳬鷺下游鬣菰稗出收潢雖無方舟
具興至欲褰裳望舒隨陽沒銀燈嬉未央上客襲主權
行籌浩無方徒御私相謫母乃淪太康

贈況生藥湖別業

茲湖信靈境靈境貴所招維昔真人居藥就凌璇霄旗
峰感女澤環江導賓潮湛符填簸蕩遺砂壽肖翹至今

清泠府萬象不得驕悅若太陽升神丹現中宵金波迎
漉射玉衡澄汰寥枉汭款柔颺陽莢配陰條天雞忻孳
育朱鯉恣陵跳披巖肉芝長犯雪黃精苗秀鬱鍾故竒
象勝理自超況生結精廬窈窕臨湖皋杯中瀉雲物鏡
端行漁樵亮無晨風翰偕子以逍遙勺水甘谷如服食
等松喬

游西山諸寺有感

西山二百寺蟬緩琉璃刹其中貴人往往稱檀越銀

漢割宮堯珠宮闢巖嶽吐磴窮百盤東流規千折感階
白玉塵飛坐黃金屑斗削神力迴向背鬼工絕世尊跌
青蓮粧嚴明秋月龍象左右陳羅義後先列我聞說法
時乞食僅一鉢誓以不住身普代衆生孽長者雖布金
小果那得說柰何貪嗔念希與聖諦結填沙南瞻髓飾
像恒河血淨土炯自如廣輪虛真轍嗚呼西竺冤萬古
誰能雪

歲暮自檀州發赴青州有述

奉期戒輜車含辛拜嚴闈密戚追告途新知來要轍是
時冬向暮微陽生陰冽斷莽吐伏流隱林道餘雪磨趣
縱橫文鳥革淒厲古蒼蒼界飛素曖曖動幽悅縈回中
陂憶遙裔前垌節之齊蹤稍暢戀魏帶猶結載諷陟岡
言終慙責丘哲

夜起步中庭有感

罷酒出中逵皓魄起前楹始見銜半規稍稍漸成盈積
雪馬藏照天地吐餘清恍若玉龍飛喬松鬱崢嶸羈雌

無停影號雄有求聲
狐貉雖被躬曠士中不勝安駕雙
鸞翼並起翔天京

春日於西園望雲門山有述

巨靈擘碣石置之營丘東
千秋竅混沌間道開玲瓏漸
通秋魄圓稍邁晨星融
流雲時停憩返景並垂空
伊余懷禽好之官偶齊封
羈服含餘責推案厭微躬
曾是咫尺遙故以簡書慵
行藥步周畦披襟延緒風
倏如團鑑色悅落清尊中
蝕霧俄半規吹颺豁全通
靡靡呈蒼翠

藹藹盈房櫳數足無登軌寓目有來踪峻陟淹徒御卧
游藉人工何如日箕踞于此翫無窮

初夏西園偶成

鈴閣何沈沈初陽啟煩囂訊謀縱橫至羣咻遞相要雖
靡片言才往往不崇朝躡履向閒除移床就繁條景風
徐將拂池荷乍與交綠竹吐新勁黃鳥展餘驕詩書安
其所尊酒自為招送日未畢歡來暝復攜勞仕隱俄更
盪動靜竟難調持鏡問朱顏那能忘不彫

雨後小酌西園

叢岫停陰潤遙空結層冥好雨東南來媚我園中英下
瀉方池水清文自然生荷蓋亭亭出圍鬣亦縱橫中有
雙游鶩延頸發歡鳴幽壁青莓苔枯荔蒙其榮大小各
自私焉知皇澤平舉爵吟微謠聊以寫余情

其二

微雨中稍憚按畦披榛莽羣秀欣相托悠然動真賞帙
掩且罷開尊來不虛往半酣凌層島冀以弘遐想屯陰

彌在目大埏無隙朗回看牆東蔓胡乃先蕙長習習籠
中翼終成怨初網

初晴園亭即事偶書所懷

天地意無常吾人寧久安今茲幸休暇聊與為盤桓緒
雨就歸颶微陽來濕翰箕頽匪在遙步武生雲端顧見
清池影茫然愧衣冠區區丹陽設欲以敵東山不見先
民語富貴多憂患憂患從機發那得借餘歡喬木惡崩
崖根株離見難

雨飲李氏伯仲草堂遣謝

負郭偃衡茅停車遣幽訊
隱侯竹間出難弟牆東引
耦耕及新麥對澆饒風醞
改白王弘衣冀青阮公瞬
密雨戰炎歊初涼乘時進
散沫染空階餘膏惠脩隣
慈明既外朗叔慈復內潤
玄言萬飛屑令色雙聯瑾
愧以干旄旋更為薜蘿信
早晚牀頭篋願言無所吝

庭有積雪指麾兒輩戲為雪山偶作

怡步向中庭積雪何皚皚
戰日愈自堅依飈漸成堆
雖

靡化人術倏忽三峰開削成像仙掌橫度為天台更疑
雙靈鷲一夜自飛來東風澹蕩吹對爾酒一杯不知吾
與爾玉山誰先頽

風日清美行園有懷吳峻伯率爾折簡

亭午氣清和西園行挾策階藉歲蕤紅牕延縱橫碧時
禽驕孤邁芳草妬新跡慨然懷良友胡為但役役刀筆
余嘯歌詩書子徽纒博穀聲條桑永晷不重得願言攜
琴至呼尊命所適

泰安即事呈同事諸君

忽聞謁臺去顛倒攬裳衣不知襪襪子規腰何所師舍
吐將及唇瑟縮未成辭流汗紛如漿袖手不顧揮委蛇
將出門歸我舊鬚眉輕風發微涼白日已崦嵫張宴陳
鐘鼓為樂不逮時北山有岱宗南山有徂徠溟海中相
隔步武竟馬之

其二

瓊臺雙文篋上有五色芝纖月承卿雲暉煜霞文披藉

以流黃綺貢之白玉墀違性虛見珍雖貴非所希不如
南山栢千載長如斯

于役淄川途遇大雨有述

冥冥乾維改殷殷坤軸摧女風噓陰穴族雲布陽臺海
色二有合嘉霖四望來玄鶴引吭鳴游魚矯鬣迴姜葉
貪故柯柔苗媚其芟裳衣既顛倒車馬亦虺隤迂轡就
衡門野父進我杯請以甫田詩寬彼東山懷

初夏晨起

初陽組林鳶輕颺衣屏障草綬生綠滋筠陰捲清浪間
發陰鶴和時流黃鳥唱曠矣物不接嗒然吾將喪雖靡
向禽達頗懷張邴放一命羈所之千秋鬱微尚卻案更
沈吟沈吟滋惆悵

過灘縣故孔北海祠作

威鳳雖在羅耻與凡臬近神龍剗其角目固無蛟蜃火
垂赤帝滅風猶素王振角總吐英談冠弱流又問平原
援中絕北海誠空奮艱難傍餘燭廓落甘異擯交彌豈

慕狂拒却馬為客巢傾卵俱覆梁逝室亦震反諧駢陵
祝不覩山陽恨余本骨體人千秋凜遺藎高咏長寢篇
分香隨漸盡

薄暮東牟道中有作

策騎緣海壖興發遂忘疲將晞九陽髮思振三神衣如
何悲泉側陽烏欲罷飛川后約其波以待朱輪歸櫂色
有遺景梓里無停暉空青就磨滅光景向熹微二氣既
不分吾人安敢違改轡趣林薄命燭叩衡扉有酒但為

歡無酒且息機天難在東方三鳴不須斯庶哉咸池浴
萬象同赫羲

初至登州就臺小憩

陸走費輪蹄暑征困衣領浹旬嶮夷造乃使煩慮屏稅
微公牘簡訟折人吏靜海氣蠲夙苛山風薦微冷庭葵
悄然落小雨殢遠景篇留浩蕩域酒引無何境卧起俱
所適低回發沈省彼煩焉終郤此逸寧遂永竊祿在牽
絲援階類汲綆顏覲久京洛心拊談箕穎千石幸未踰

吾其從小邨

按部東海因懷魯連逃跡慨然有述

溟色饒奇變雲島相蕩擗中有真人居將無魯連宅先生猶龍哉天矯物莫測炙輠辯與生轉九機從匿抗辭折新垣秦衆外辟易飛書射聊城燕將內捐嗑引危勵安平一鼓堅城圻提衡萬師力弁髦千金錫散髮東海隅肆志隨所適他日圯上編毋乃而黃石我欲竟其終青天杳無跡

余游蓬萊閣觀彈子渦石因記蘓長公一章歌之
與叅政姜公共拾取數十枚為翫遂戲效其體作
數語書付道士并呈姜公公前身為白玉蟾高弟
解服食法其有以教我

昔聞蓬萊頂神僊好圍碁爭道不相娛散擲東海湄海
若鼓鋒濤為汝作玉師歷落涵天星皎鏡支漢機數驚
驪龍顧或起陵陽悲我無菖蒲根杯水浴置之豈必真
壺嶠方圓亦叅差宇宙在一掬芥子為須彌姜侯蟾翁

裔服食夙所宜他日訪三神煮以療吾饑

彌陀寺飯僧作

結夏依寂居隨緣憇脩軫宅慚周顒捨米待郝超損僧
觀鳴鐘集佛供導幡引霜研給孤麥玉琢摩候菌慈禽
戀清唄怖鵠馴餘賑敢持有漏因仰覲無生忍曾是夙
力餘內觀了何朕追往踪既失希來業難盡毋以罪福
求幻身同茲泯

彌陀寺遣暑作

巖泉饒竒趣松栢寄遠跡如何孤蘭若局蹐四達壁慈
雲不垂蔭朱離苦相射赫矣尼連火邈哉阿耨澤四大
久厭離諸緣歸滅寂是以煩惱身更稱清涼宅夜梵流
妙音朝觀離空色竊從龐居士巾髮恣所適

早起

初月將曙輝亭亭澹空碧微星漸以隱存者猶歷歷玄
蟬乍停號宿羽時鼓翼時至鐘未鳴僧懶更成寂乃至
欲觀心悠然不可得

聽夜唄作

齊飯依八關昏鐘警諸妄陳王演真唄深公吐玄唱清
波徐滌洄法雨漸調暢振如迅霆激細若游絲颺哀籟
流凡聽圓機轉天吭我聞青蓮坐妙法宣無上魔王戢
怨刃龍女傾愛藏如何旃檀刻不覩梵音相稽首悲宿
因誓心驅來障

晨起新城道中

野宿無淹寐蓐食馬待飽主人戒雞鳴驅我就中道行

徒非古歡惴惴來就保隙月隱若窺風林宰相惱嚴霜
白於雪照我顏色搞不恨顏色搞但恨不自老

初春同俞仲蔚及舍弟敬美登馬鞍山得四首以
山高月小為韻

落日猶命屨愛此城內山初攜惠連往尋以長瑜還清
磬杳藹外行人蒼翠間扶醒過隣圃獨樹梅花閒

其二

危坐攬羣秀天風吹布袍吳江正練白泖塔孤莖高斗

酒寒不醉劍歌短益豪誰憐今仲蔚此下有蓬蒿

其三

馮策凌絕崖呼觴陶嘉月疎林叩幽牝泠然中心悅暝
色坐來改飛鳥時自沒望望逼城囂徘徊不能發

其四

久矣甘塵栖茲焉忽世表披襟當澹蕩縱屐探窈窕落
日樵採競歸路牛羊小何以見幽棕入門後栖鳥

游惠山酌泉次唐人韻

窮溪迴崇巘午色正蒼蒼上有千尺松下有古時堂幽
籟相間作止鳥顧我翔乳竇溢清漪杲日媚其光眉宇
澄秋色齒頰散天香念彼尋源人慨然不能忘

其二

落日饒遠態羣象來趨人酌此澗下泉爽馬各懷新暗
壑穿文流白石何磷磷豈不念遠達行當委時塵洗耳
卧空山抗志薄青旻頰仰千古士思與巢許隣

其三

精若栖林端芳泉伏蘿樾躡步信所之漸與人徑絕顧
見潭影空悅然超生滅叩斧斲澗雲負鑑煮山月朗詠
三君篇清商四垂發千秋庶可要與子偕首轍

避暑大兄山莊作

煩暑意不憚聊適在山池陽岬饒軒豁陰谷吐寒颼脩
竹藩廣除落英文素漪魚鳥各有得余亦遂忘疲觴夾
送歸陽返頽射東坻藹藹桑榆影履鳥任參差寄言邑
居子籠翮安所之

初秋屏居有感

偃息衡門下旦夕寡來躅澄露將微風披灑中所欲外
苛稍已蠲疇能解中燠玄蟬高樹間哀吟遞相屬不念
金氣厲令我白日促循往心既乖慨來身如束顧視庭
之幽蘭芬一何馥幸免當門鉏居然安空谷

冬日集舍姪一敬所作

今辰風日佳言集仲容廬是時歲功畢塲圃方告舒新
筍嘈嘈鳴黃雞啄相趨羅者懽得鳬網者懽得魚野人

慕口腹一飫不顧餘顧見斜陽影藹藹媚桑榆羣從更
樂端迭起求自踰但酌令我酣悠然漸黃虞奚必青衿
子矩步誦詩書世有中聖人舍我其誰與

章道華見訪田居作

抱影寒廬下春風怡然來問言何為爾有客訪蒿萊田
家無夙供雞黍差足陪斗酒相勞苦慷慨興往懷撫衷
雖難偶循跡幸未乖攜手望白雲海色正崔嵬因君明
漆膠友道誰終諧

閒居偶然作

晏坐無與適叩門亦不至殘葉時自掃歸雲如相遲頽
陽坐來永依依昔邪際久矣城市間始與懶一會佳境
恍有得稍馬竟茫昧寄言塵趨子安知此中味

小除夕歸途遇風雨作

今朝風雨色淒其成歲暮誰云望不迫出門即非故我
馬既玄黃僕夫將馬訴撫壯能幾何悠然懷往路茫茫
百憂集安為鬢不素稍明來者日空悲昔者誤

其二

流雨泥我足北風創我肌令我朱顏改使我含辛悲舉
目見羊腸日暮安所歸黃蘆雜苦竹哀聲鳴相和上有
獨棲鳥下有長逝波歸家猶云爾離家將奈何

和仲蔚元日詩

衡門啟初旦冉冉歲行益節序人自懽焉為同余寂塊
然守一室惆悵將至夕天地雖更始人生無終極念欲
昉樂端憂懷紛如積來者日以新誰能返疇昔余生愉

在野披觀中有獲托素毫翰林千秋垂金石逢掖足御
寒豈必盡狐白興言實起予偕子臞山澤

暑懶

一暑生百慵一慵百事簡偃息衡門下悠悠夢初轉亭
午鳥倦啼槐陰自舒卷時有涼風來泠然忽稱善勿謂
羲皇人此意知者鮮

其二

凌晨何所道匡坐但調息客至了不關眠者當分席圍

碁白雲野采蓮明月澤此賞非不領煩暑將馬適秋至
暑會舒吾懶終何如

暮坐蘿資園即景一首

高齋語來暝偶爾成幽憩崢嶸石色古窈窕川流細新
月在疎篁娟娟自相媚顧此羣籟寂悅焉覩真際欲叩
俄已忘呼杯但成醉

季生夜獵不獲一鮮賦此嘲之

翩翩季公子被服何輕蹻騎從若浮雲行獵至我郊是

時冬始仲日暮黃雲高置網布原坻左右建重茅暝立
負玄霜令嚴寂不囂老狐饒先知狡兔遠伏逃雖欲縱
羣驍爭先安所操俄從灌莽間稍辨東方鼯人馬無光
輝饑犬顧我號東隣少年兒竿杪置黏膠戢身一指顧
百羽遂充庖日入胡姬館炙鮮奏醇醪公子誠豪鷲茲
役不得驕

將游漆塘山汎五里湖作

得春字

放舟信所適愛此湖中春春風剪澄眸流光如盼人輕

謳起閒羽柔櫓潛修鱗白雲何方來英英間青蘋四壁
千芙蓉迴波散嶙峋寓目了無涉適已中自親顧彼微
陰移慨然眷芳晨

舍舟步漆塘山竹松間作

得笑字

亭午維芳溪改策探要眇去美令神適來奇信天造
漚伏泉流濕我山中屨遯羽時自名幽花炯相照清颺
浮筠茱白雲彌松蔦峭蒨菁蔥色時復棲眉表回顧誇
其儔听然起微笑

登漆塘山絕頂望太湖作

得還字

逶迤導絕頂曠朗澄心顏襟帶縈吳楚表裏見湖山長
風散菴靄遙嶺若連環出沒一氣中變幻俄萬端高天
蔚浮藍黃金錯其間靜聞漁唱起暝見孤鴻還長嘯招
鴟夷緬邈不可攀

奉釋典諸部經於小祇園藏經閣中有述

方廣宣妙覺總持諦真乘白馬叶休期金人肇奇禎傷
哉末教日聖澤漸以凌冥跡蹈恒河狂飈吹慧燈我友

脩淨業慷慨惠函經奚必具羯磨居然一摩騰小果固
有漏法施良足憑雖靡布金田幸依化人城蒼松雲瀾
涵脩竹風琮琤層閣臨廣除迴流激清泠闍婆陳天樂
龍藏鬱飛騰中有慈悲相悅發妙音聲玉笈啟紺縹流
紈染翰青彷彿貝葉端自然蓮花生如日懸中天萬象
借光明稽首兩足尊發此希有誠破除諸疑網摧伏羣
魔兵前因獲心通後果希勝增願以一切智迴施一切
情嶽嶽西逝梁金篋導前行凡聖同超解怨親歸合并

執離文字間猶為道所憎曹溪倘吾許筌蹄詎堪徵

十三夜步月過隣家飲作

抱疴適不樂強起無何時念此月色佳那能戀牀帷徐
步叩東鄰觴席猶未移有酒但斟酌焉問主人誰奇陰
間木石幽光藹庭墀浴魄冰壺中藻荇互參差泠然清
聲發安辨竹與絲大化冶寓形憂樂不須斯顧言隗俄
際所得其庶幾

十四夜復步月過從弟飲作

秋氣日以佳秋月垂當團晚獲徒步趣相與復盤桓剥啄惠連門攬衣不及冠呼婦出斗酒手自裁肴餐素臯溢清波炯然濯肺肝慨茲人間世所受殊已難安能需令節謀客始為歡白露下沾衣北斗自闌干遠樹出巖鐘隱隱將就殘撫枕追往境悵焉浩無端

十五夜於小祇園坐月作

纖阿應嘉候祇園依化城感此牟尼珠揚光濯清泠梵天白銀橋恍若燄摩升清溪相環帶空水互晶熒飛觴

無遺憩流霞湛然盈順風奏絲桐孃孃發奇聲青松為
我和白雲為我停酒德將調泱顏然玉山傾披襟納虛
爽萬境皆光明安能守空觀枯寂送餘生

十六夜月徐荊州見枉作

懽譙申遙夕疲繭辭請謁故人從東來令我思超忽聊
攜一尊酒相與陶嘉月熹微破決泚冉冉出叢樾是時
初踰望清可鑒毛髮雖復表虧端幽暉殊未歇玄鶴寥
戾鳴肅然懲栖鶻敢以斗柄斜辭君王壺竭攜手仍與

旋清言至明發

秋日離資園即事作

茲地不數武亦復具池臺亭午欣鳥雀初涼愁草萊
恍然石色古乃是微雲迴竹潤遙相借蘭芬時一來
客至但坐耳相對亦悠哉禮豈在巾幘懶不廢尊罍

秋日小祇園即事作

幽竹藩行逕客來無送迎石梁橫秋色高閣延遠清
愛此脩日景彌耽靜者情時探諸品畢不省何經名
微微

甘雨至稍稍涼風生遲暮且莫返與君聽松聲

嘉禾道中

方春愛行役因與陶嘉侯燕尾碧相襲鴨頭青始皺輕
風憐舟師為我來往奏收帆楊柳色沽酒夕陽堦有友
四五人傾觴如懸溜絲鱸出網鮮乳膳伏巢鷺扶興端
互起謀歡策爭售問余傾玉山應須墮月後頰仰人間
世所得良不偶

海上訪王子不值追會嘉禾道中斐然投作聊此

志酬

芳波初成綠柔楊亦已萸乘此嘉淑候慨然效安期川
塗雖綿邈未獲展光儀前維悄然發後舸日夜追朗曜
隔浮陰景風為我披攜手登巍堞贈我以新詩彪毫等
霞絢溢齒若川馳辨勝晷欲流神王鬢不移斐然見狂
簡余歸將庶幾

弇州四部稿卷十一

欽定四庫全書

弇州四部稿卷十二

明 王世貞 撰

詩部

五言古體

吳興訪徐子與廬次作

溪迴翠相襲峰轉青若招西日殘危堞東風進輕橈玄
居在市廛心清息諸囂圖書塵苦壁素旒何蕭蕭念子

雖恍然猶能明久要生死非異岐浮沉信所遭篝燈照
華絲斗酒為我勞因懷阮嵇尚悲至詎能消引領侯明
發援筆攄長謠

海鹽石隄與周生輩觀日出作

日者萬物母海為百谷王兩雄未蕩摩衆有皆摧藏天
鷄警宵發波臣導余望窮絃露黝紫極際見青蒼回首
顧中原破睫猶茫茫倏忽金輪升流光浴扶桑一髮界
瀟泠萬鬣競縱橫湛湛天酒晞煜煜雲旗張波將駭駿

上裁與蹻龍翔無復虞濛汜陽德熾方昌

伯父靜菴公山池一首

昔我游茲園申慕憺忘歸園景非一態事事令人怡
白雲團幽荔朱弁冠陰崕疏沼延夕星裁篁導春漸潛鱗
乘吹起宿羽應候啼謀奇開新術戒返惑故蹊澗飲分
霓渴館宿遜霞棲束帛違丘責懸金厭時夷去家不甘
載陵谷忽中移前達改宿薦後堂滋旅葵灌木代絲絃
宮徃商不之回盱追前邈撫景虞後衰所以羊鉅平游

峴發清徽復聞桓司馬攀條泣然悲寓形靡不消垂言
將庶幾

避病山池月夜羣從中有攜酒至者即事作

茲辰負末病適與余懶會客來或不冠客亦恕余意圓
月從東起神飈能徐至尊酒與盤殮阿平誠知事語笑
豈必佳徃徃得真際時復鄰笛聲乘風破遙裔去者勿
復辭陶公陶然醉

將游陽羨過華明伯餞我惠山因憩俞氏園一首

日余淹邁軸托志在延搜遵途告密戚餞我以行游選
勝豈必遐貴在獲所求青松夾長坂茱竹被文流探蠡
酌清泠沈怪灑然瘳層霞緩川暝歸日使徑幽流憩仲
蔚居時興濬冲愁昔攬並大藩今守各一丘寄言天路
者寥廓多沈浮

發自義興由東九抵湖汊一首

揚舲出荆溪溪流浩無盡疇謂當蕭辰青山吐餘潤驚
鱗發潛響振羽橫遙瞬時見空翠來焉知余榜進喬木

生午烟場禾表秋信茶叟攜筐歸行歌渺然近顧余若
有適壺漿當為引明發從此辭中宵衣時振

由張公後洞出前洞一首

冥搜出天巧遐尚窮真域猿飲迫相輔鳥伸駭所獲金
膏時自閃瓊乳靜還滴窺天一線杳察墜千鱗坼雲烹
丹竈溫芝耕石田瘠信足如已窮俯身忽中闕浴日萬
象開琉璃成五色芙蓉冠瑤柱玫瑰填蘿席締構疑化
城陰森恐蛟宅張公何為者自言得靈液千載垂空名

其人鬱為腊攝衣雲霞顛矯首三歎息

出張公洞經游玉女潭一首

疲足辭幽界敞目凌玄都篁翠上交天楓丹時綴塗高
霞冠璇表流颺蕩銀鋪躡步瞰澄潭恍若邁神姝青崖
覆蘿髮紺水湛明矚神徃境自超象勝理亦愉匪耽交
甫好冀與禽尚徂

探龍湫因觀古瓊樹一首

素秋送餘晷深山饒伏竒賈勇若無先獨造中所私納

雲穿竒構畫石置清漪天規隱窳窳壑舟入逶迤拊足
唱高音泠泠逗幽崖脩榦吐潛虬舞蛟出驚枝昔賢歌
瓊樹今我復來茲俯仰千秋意泫然令心悲

歸自東九汎西九訪善權寺一首

歸榜意不釋愛此澄湖暉白雲何英英蕩潏令波肥所
邁饒新境沿洄遂忘疲改策向精蘭散履躡青坻脩蒼
摩天風潛翠沾人衣裁霞竦飛構攀漢納危扉左洞殊
泓渟下有鳴聲悲茲賞未云飫來竒信弗違

游善權洞作

巨靈兩蹠拓混沌七日開陰崖忽中敞萬巧紛然來廓
如白玉堂瑰柱芙蓉楣天酒滴歷垂石燕縱橫飛泫泫
含霧華爍爍銜沙璣靚深時中賞曠朗使衆怡仙掌瞬
若招便娛勝柔荑謂我為王烈授我赤石脂靈境難久
即怙悵以徘徊

善權水洞一首

出幽託竒祕荐至諧智樂朱華嵌巖椒白雲團衡壑羣

溜何泠泠爭往若有托奚必中宮商嘈呬即天樂飛空
浥蒼翠懸沫成丹牖靈禽啁晰言神鱗時騰躍空色鳴
沿沂微寒生回薄逝欲偕琴高周身鮮靈藥

碧雲寺泉

蒼龍戢其首日夜漱寒玉助爾松風聲借之竹色綠時
從齋厨下泠然注空谷自愛穿雲多焉知出山濁一酌
聆斯言徘徊愴心曲

夜泊虞山下

明當向城府維舟此山足奚必遂登臨聊以驅吾俗
初月未擬規浮雲更成璞酒罷獨何為移書就殘燭

金焦餞戚都督作

大江聳金焦茲實界宇宙聖靈深推轂懿好將離燕春
酒挹千流崇肴指雙巘柘鼓殷晴雷綺帆衝驚電迴睇
銅柱標蒼然天一線極目龍沙南紫氣出蔥蒨慷慨豫
州楫颯爽褒公箭分軀應北掃餘烈留南填賓僚富詞
雋文酒要酣戰燕石尚可銘疇當為君先

初至杭左史郭公右史莫公邀宴西湖大風雨歸

作

錢塘帝都會西湖地靈傑天目日夜輸神漢滙茲穴山
擁三面螺城彎半弓霓謬余長五湖斯徃信所關左相
咏紫微右樞和白雪銀榼淳宮醪湘滕載珍餽籃輿日
駘蕩皂蓋風飄瞥稍出清波門騶聲狎啼鳩色界紛送
奇目疲不得說舟子方進篙黃衫浪花擎俄然兩高墨
頓使萬象涅天笑眇不收塊噫鼓中裂縠紋剪破碎鐵

冠冒巖嶮羅刹怒欲翻驚頭奮仍掣此輩逞狂恠西子
頰不悅驟雨面面相蓬牕時時揭莫君如謝安塵尾手
徐挈微謂郭長公雖奇泛宜輟僊舟固所慕角巾毋乃
折郭公笑王生此變為疇設昨夜真宰過頗畏靈秘洩
袖君斲輪手更卷雕龍舌不見漢陂行雷雨亦愁絕玉
立山未頽鯨吞海仍竭攜興逼暮歸萬燎吐明滅

薄暮赴臬中諸公期未歸出憩湖上旋得新月湛
然獨勝因成此篇

整策囂中要改憩湖上宮東霞尚冠渚西魄已收濛濛
瀾烟幕地澹澹月弦空俄頃吐清照萬碧開朦朧潛虬
飲遙沚栖鶻磔幽叢戢騶延遠音偃蓋恣歸艖淨色坐
相媚靈景佇莫從酬賞誠少闕會心何必同

吳比部范太史邀游峴山二章

吳興峴山色不減襄陽紫氣餘清和候人是東南美亦
有槎頭鯪佐之若下醴炊烟隔嶺出漁唱菰蘆起醉謂
故所知何必羊叔子

其二

改席延緒颺披襟向晴昊日染餘不水烟平浮玉島顧
見青芙蓉了了透蘋藻季重追舊歡巨卿吐新好勿云
興易盡新月在前道

與黎職方呂光祿共賦峴山石尊

李相昔鯨飲顏公復鴻騫遂令茲山名遠並太傅尊閨
李大火流清陰猶未髡選勝仍選良避蒸因避喧稍驚
蒙茸豁遂辭竊窳捫儼然見中窪宛爾發清源北斗與

南箕不挹名空存安得瀉天瓢下注此石罇左攬仙人
箸右洗玉女盃夕旭代為薪青山借作殮遙吹從東來
密箐輕颺翻一酌澆磊砢再舉超籠樊首驂華胥路息
駕衆妙門始知汎三雅有待猶為煩

石屋洞

招隱豈必深幽絕在康莊天開一層軒羣秀納青蒼其
陽類江瑤雲足鍾離房右凹若旋螺中栖太乙糧游履
迥失疲歸悰澹將忘零雨滃四垂飛潤沾衣裳山僧供

茗罷欲出仍彷徨

冬日憩舟嘉樹林小飲

仲冬好風日故山嘉樹林信履觸幽賞改席就清陰青
蔥冒霜草啁晰先候禽人生貴所適毋為懸別心

病後初行園有述

幽憂屏時累況乃寢瘵餘行散得中林聊以境自舒初
陽破晨氷流波跳伏魚松聲坐來語竹色牕中書外喧
稍不接內寂恒湛如安知浮榮在且當談遂初

小祇園小憩用陶韻

昔有蹈海言茲意惜未踐躑躅孟門道一官豈待免憂
來日苦短數徃情屢緬春至不自知稍聞鳥聲善市窮
中林出境邇意乃遠挾冊水竹間悠然忘其返顧景忽
自哂吾何待吾淺

其二

羣榮秀春氣天地遂不貧敢以百慵故廢我杯酒勤脩
竹臨綠波清輝來媚人跡從逝晷舊情與來景新游魚

故潑潑時鳥亦欣欣南征稍知吝西徃尚迷津偶從靜
者說獲與蘭若鄰世累從此祛猶足稱逸民

送吳士游鄖陽用貧士韻

高樹帶微陽倦鳥相與依本為聊托息非用借光輝南
畝有棲糧矯翮且一飛晨當暫相辭夕當復來歸蹙足
未朝飡原嘗代其饑千載士失職昂昂私所悲

其二

行游向鄖楚急憩鮮華軒路若經商山為我弔綺園芝

歌停遺響麋跡但蒼烟隱見無專是出處人自研達為
向平歎倦為宗炳言要子以異時庶幾于二賢

焦山訪郭道人次父不值用陶韻

愛彼江上山息此塵中鞅故人今何許令我發遐想云
胡焦居士亦復舍山往鳥雀漸以驕葦菼漸以長人生
貴適我所嚮何必廣慨焉發長謠茲意存草莽

贈王復入山讀書

挾冊厭時囂躡屩辭故林巖栖延孫嘯壤室鳴卜琴流

霞潤清緇飛瀟助高吟
蘭衷托隆古蘿尚謝茲
今頻仰千秋士庶協丘
中心罕眠屯崖霧幕歷
出岫霖竊用返招隱冀
子惠好音毋令三徑合
言乖二仲尋

程君將北游謁余詩為贈
君精易數獨謂余尚當
出余不許也

客有手一編自云古周易
紛然後人造不出先天
畫西笑入長安列肆坐
秋色倘遇宋大夫相與
談昕夕為言向子平今
已悟損益未便五嶽游
且蠟幾兩屐去去勿

復陳遯父許貞吉

過田家小飲有作

今晨風日佳，默默鮮所親。
改服從田父，相與過西鄰。
雖無超時韻，所得亦以真。
約略婚嫁資，歲功稍一論。
瓠壺盈濁醪，茅葉裹鮮新。
謙言酌卮酒，倉卒無主人。
啖我棲埭雞，為爾代司晨。
東壁吐蠶絲，可以充釣緡。
笑謂指顧間，遂窮水陸珍。
代主計則然，母乃非嘉賓。
隗俄復隗俄，目送西歸輪。

初汎湖乘風抵西洞庭

蕭晨風日佳况乃汎澄漪揚舲指空白回首覺翠微南
望卞山址北竟晉陵涯玉玦周三垂朗鑑翳全規芙蓉
插波心花萼競參差谷飈捲長空瀟落迎帆來遙岫無
停瞬近瀨有定姿玄醴染驚顏觴至當不揮寄言探奇
者此勝不易追

入林屋洞天不能竟有述

林屋第九天中藏萬金庭北穿丈人峰西達蛾眉陁垂

滋結乳玉穿雷散空青
崕崕藏石門噌吰吐神鉦
是時秋始暮積潦尚澄盈
雖負褰裳勇蹀擊中不勝
邇慚孺子託遠愧靈威
生誓欲偕青童飈輪探窈
冥千載靈文出聖治冀可徵

月夜登曲巖由竹林下山家觀屏巖丙洞入陽谷
作

支策辭道林飛鏡挂大空
迴光散玉岫潛穎射金涼
捫蘿入窈窕循垓踐玲瓏
稍窺樵采徑獲與園林通
璀璨

間脩篁琮琤乍因風慕竒惜竒盡貪勝冀勝逢仄足丙
洞穴聳身屏巖峰駭矚紛自來浩倡樂無終土豹吠寥
聞天雞破鴻濛誰言茲宵既能使余興窮

下縹渺峰由西湖歷東湖抵資慶諸寺

傲睨窮四周輕風信余屨既謝上嶺危頗忻下山捷澄
湖夾雙瞳喬松振千鬣稍深疑無地忽轉長天接古剎
藏白雲疎林出紅葉估客喧歸步漁舟滿收夾飯候尋
寺鐘菌香吐僧榼斟酌聲聞酒顛倒居士袷冥醉時一

醒空青忽交睫

汎小洞庭觀奇石

茲山饒奇石混沌帝所鑿
隆如渴猿飲森若驚鷗搏
龍睛過猶閃貌坐望還却
萬竅吸籟號一柱危崖閣
玲瓏蔽秋漲突兀生搖落
赤鯉脰際驚白鳥波面掠
揮手攬青蒼為余佐杯勺

度竹塢嶺

上嶺若攀天下嶺若穿井
落日猶半規深松已先暝
事

將餘興敗足與歸念梗時覺虬龍爭肅然發深警

將至建業大風雨作

挂席凌大江斗覺風雲顛日脚金瑱碎山頭墨蜿蜒高
天忽下垂密與滄波連不辨川后界坐失陽烏權咫尺
晃微白浪花驕不圓攢矢鬪壁剝神鉦擊喧闐徙坐蔽
束書低眉睨長年兩儀退歸所萬象仍悠然山色媚舉
卮波聲清扣舷變故在須臾所得能不遷是以暫徃身
托志在歸全

早入廬山首路作

徙符五嶺外歸沐三冬前及茲道彭蠡九疊青依然授
衣變寒暑擊汰改流連決策扣廬君蓐食理枉阡微月
隱紛綸流雲漸芊眠樹杪生遙曙草際出哀泉來奇若
故賞新踪繇徃緣分無幽棲躅慨焉歎諸賢

入東林精舍

晨色懸抗旌流泉狗扶藜貪看香鑪曙忽已過虎溪古
樹繡上方荒草掩前堦屈戍蔓蠨蛸軍持躍醯雞尋勝

冀獲新探往浩無倪昔希遺民誓永懷塵外棲今憩東
林軌猶戀區中迷悔濯當自今賞愧庶無睽

由雲峰取道錦澗歷險至絕頂

改裝問繡澗徙屨披躡雲

亭名

澗仄愁陵緬雲雜爭崩奔

急湍令玉危緩溜使絃溫稍息一會心屢躡復驚魂參
差吐鋒距倏忽變朝曛前徑為霧絕後呼若空聞矯欲
屬大觀賈勇非離羣會已人世遠何繇叩天閭

由武當之紫霄歷青羊橋憩五龍出仁威觀有述

躋危意方倦入幽良自適巖巒非一態雲日饒奇色活
活伏流來泠泠深崖滴騰虬悟風樹渴貌知水石拏攫
令魂驚蜿蜒覺根圻叙詭青羊澗窈窕五龍室彼美如
有待余欣寧無獲改轍見平疇藹藹禾黍夕歸慮中未
攬目境時有失安得乘蹻道遙青庶可摘

由南巖尋北巖謁不二和尚

降陟雖疲跡眺覽用怡心心怡體自調支策探道林是
時春初暮遙綠結屯陰一幅颺空表雙樹吐綠尋初窺

但絕壁緩步得精藍開士久杜機眄睐不能禁延我坐
芙蓉啖我以林檎清楚和流泉嘈呖海潮音忽覩西岫
景圓規已半侵歸來愧禽魚自得忘高深

古意贈伯玉中丞二首

娟娟閨中秀托質為君助中夜理筭總日織三丈素本
用報君恩情者反成妬蛾眉當秋風颯然垂將暮二八
更代進回光焉反顧芙蓉鑒鉛華使我欲不御豈在惜
朱顏實以宗祀故止止且勿陳懽愛尚中路

其二

煜煜雙純鈎磨者益其鋒謾謾孤松樹恥為霜霰容良
驥疲太行驤首思騰衝萬翻摩廣原疇能弢勁弓之子
負宏奇鬱為蓋代雄閩山有餘蔭粵海無驚風惜哉世
路晚刺促難為工君子任其勞小人代其庸天顧猶未
寧母為悲道窮

送舍弟敬美北上

嘉運開駿招輪帛四交馳之子起自厲為報當及時杯

酒指河梁悵悵不能持十載雖斃獨與子不相離仰見
晨風烏矯吭鳴何悲脩翼摩勁颺一舉絕天池豈不快
所往念此卑林棲舒卷無違性動靜各有宜努力愛景
光千載以自期

其二

方舟遵枉渚落日上征衣離筵啓方序吾弟感仳離愚
哲雖異規疇不慕昌期哲者任其勞愚者食其貽上有
晨昏奉下有伏臘資偃仰恒一編耕釣不失時子其寧

爾懷余處良以怡

其三

春星羅廣陌
燠微依徵傳
雄雞無停號
炯爾天地旦
浮陰忽來滋
焉能長清漢
脩條未易材
微萌無難蔓
送客各自媚
誰當發浩歎
仕宦恒苦晚
行樂恒苦短
所以邴生秩
徃徃不待滿

其四

竊有和氏璧
皎潔如秋月
當其未辭璞
憂在長埋沒
初

日奏秦庭精光熒然發美人粲玉齒九賓為驚絕在執
苟不虔能無中玷缺子其愛連城完歸用將別

信口贈莫山人

再起猶畏途斯意久鬱鬱月俸已送官早晚將解紱留
君一杯酒乃是家田秫丈人未悉恭生平無長物念欲
飽果然新詩不堪乞

與呂生談有感

仕路無拙速衆口令親疎吾本不憂怫誰能使之愉一

語朝不謀夕當賦歸歟雲霞傍人生天地待心舒試與
論往事且復探故書崢嶸後來薪掩抑前釣魚物情固
何極意足恒自如

孫崇明政成乞歸以詩慰送

孫郎負宦聲而乃發遐想厭作海外丞願為五湖長父
老孳袂言神君欲何往寶山一拳石聊用壓輕舫歸拜
尚書阡清風世無爽

別羅李袁三君

上書不待報解綬歸田廬斯豈悅隱淪遽欲言遂初哀
慈邁沈癯醫藥寡異謨百念不並牽倉皇即脩途我友
二三子祖宴此城隅繾綣握手間形滯神不俱西望九
折坂我腸更鬱紆北風排鴈行躑跼日夜踈五里一返
顧十里一哀呼非君迴雲照濁水永自塗努力敦蘭好
合并亮不誣

答明卿

今茲暑用壯衡華藩吾身白雪從南來令我思郢人故
欽定四庫全書

余州四部稿
卷十二

九

者日以踈新者何自親所以一杯酒黯然而向沈淪

其二

越女強入宮顧影中不怡羣口浩無端安能自蛾眉竊
悲幽貞志至死不見知所以雙素腕浣紗空江湄

助甫遠駕見訪遂成四章情見乎辭

為歡日苦短為別日苦長與子期燕中不知幾星霜寒
枝噪乾鵲故人登我堂東風隨裾來四坐為芬芳繾綣
未及申命酒且盡觴流塵滿金徽拂拭薦瑤牀彈者志

文王聽者稱望羊擊節三起坐掩抑以彷徨安得雙鸞
翼凌雲共翱翔

其二

踰立謝兵符始托君子盟嬾婉甫再秋十五為別齡人
生能幾何霜鬢不再青故友豔春華屈指若晨星存者
散各天逝者忽已冥拭淚薦君卮安能今不盈北斗向
闌干攜手步中庭景光各自愛竹素以為徵

其三

欽定四庫全書

余州四部稿
卷十二

十

前人工織錦後人但織縞縞故不足言無錦縞亦好念
我平生驪來自千里道契濶未及陳涕淚如橫潦昂養
隨形盡恩誠委秋草所以先達言榮名竟為寶擲管不
自斑安能為君藻矯矯濟南生其骨惜已槁

其四

舉世謀選良中野棄千里擾擾驪黃內安能別識此駸
駸牛羊間其志乃四海純鉤當夜鳴所望在知己五步
不留行鬱為匣中水紫氣橫斗牛房星耿河汜流光蕩

人目拂拭從此始驟馳當防蹶驟試當防毀三復老氏
言書紳贈吾子

贈徐子之楚臬二章凡三入矣

委蛇問南征結束戒明發方舟指江漢竹馬遵沙汭蔚
蔚棠樹陰君鬢幸未雪無情猶思御有情寧無悅二南
將嗣徽四履日以濶為君起深歎功成在三折

其二

使君何翩翩五馬一馬驄後乘豔春花前旌拂南鴻士

女日衽裝矯首蘭臺宮萬木森變青竊因被雄風鉉基
既逮時黍稷當遂豐庶希彈冠侶非復泣車窮

答戚希仲

秋蘭執深谷春英冠芳圻當此摧掩日是爾芬敷時明
堂大布政哲匠顓英規片言程金石九有播令徽焉覩
耦耕子參徃商不隨皇天誘衷素飛帛江之湄方軌即
周行媚我以好姿嫵婉甫及禱千秋遂為期論心當論
遠結交須結晚遠心勝近面晚交深繾綣

別汪仲淹一章

陽鳥北迴翔西南厲其翅豈不戀比翼羣生各有制銜
草未遑食顧巢焉能憇念子乃從兄愴予偏別弟置祖
薦大烹行留各有味子其珍爾璞母為賤工棄

南明卷為刺史封中丞孫翁題

有鳳含靈文五色正歲綈矯翼西南天流彩於滇池政
成感神雀榮名垂碧雞非無聖人德為祥不逮時歌舞
樂堯年梧竹表餘棲有子字鵷鵠阿閣朝見儀出者慶

來章處者頌黃離請看羅施國處處生光輝

次俞仲蔚題趙吳興畫陶元亮歸去來辭

陶令罷彭澤正及黃花開有酒不辭濁長歌歸去來千
載義熙波誰能溯其洄學士返吳天椎髮白毡綰回首
感宗周擲國一嬰孩籃輿蹇柴桑紫駟捷蓬萊時睽跡
更殊疇能不見猜惜哉丹青美托尚隔雲埃

蕭懋建戶部棄官後游杭以西湖諸長歌見寄賦
此為贈

當時蕭次公不受後曹詰幙被歸去來秋風卧石室盡
索買一船錢塘比湘汨壯氣黯不收虹霓纏其筆兩峯
鬬差我千秋寫蕭瑟說謂官不貧珠玉縱橫出地留西
湖勝天與山人日縱有鰕文鯨勿療敬微疾

次陸太宰全卿題戴文進畫卷

朝出錦官城暮投浣花渡步步花媚人那能舍花去但
使有酒沽不妨花下住

右浣溪春行

謾謾松際風泠泠
磎底泉宮商偶時
合來攪幽人眠恍
然夢中境洞庭奏
鈞天

右卧聽松泉

維梢傍村塢黯黯
天地綠忽有漁歌
來悠然逗深竹不
知月出否稍見玲
瓏玉

右竹灣夜泊

西風不釀雨東雷
空自疾蓮女葉蓋
頭相將委花出但
采了不妨請看塔
尖日

右雷峯夕照

十五團團月當已離海島立殘雙蓮瓣
夜色猶未好非關月出晚應是儂來早

右凭闌待月


似傳西湖霽西子初賜沐宛爾碧髻顰
娟然青曼睞欲住聽曉鶯吳王忌人宿

右西湖雨霽

英英籬邊菊不與青陽遇芳意終有合
寧為歎遲暮百

并各競時歲幾今何處

右東籬秋晚



傘州四部稿卷十二

欽定四庫全書

集部

弇州四部稿卷十三

四

詳校官侍讀學士

臣陸伯煊

中書

臣

劉源溥覆勘

總校官原任中允

臣王燕緒

校對官檢討

臣龐應

謄錄監生

臣金拔

欽定四庫全書

弁州四部稿卷十三

明 王世貞 撰

詩部

五言古體六十七首

送表兄出居

少作

中庭桃李樹
蓁蓁夾庭堦
枝枝交陰帶
葉葉互相依
雨露方齊潤
東風亦均吹
何必同根蒂
然後乃宜家
此樹

本無言移者自為蹊昔合尚有分今分合何時送子出門去揮淚不成辭

其二

今夕高宴會登歌含慘吁借問何為爾送子以離居離居多苦辛歌淺思有餘憶昔童冠時朝暮兩相於胡為向康莊改轍行自驅比隣固匪遙踈者日以踈但令心期邇蹤跡豈必俱再拜與子別四望野踟躕

華員外改南司馬部分韻

憶昔歲在癸我髮初弁不以阿戎少俾托阮公宴以
茲一分手長思奉顏面金閨幸同籍未得展婉孌胡然
重離別翻令恨相見歸帆逐新水落日在河縣殷勤戒
尺素願將南歸燕

嘉靖丁未夏四月余以進士隸大理得左寺凡九
人朝夕甚樂也又明年六月則八人者以次授去
獨予在晨候大吏升揖散步空館顧影淒然為賦
一章

棘署同試政濯濯多清佳亮匪平生親忽成一朝諧本
為轉蓬枝願申松栢懷衡畧乍改歲捷羽各分飛松栢
諒靡他轉蓬飄何依昔者偶然合今者為誰乖零落山
葵花猶然媚空堦瓞瓞顧流影戚戚有餘悲

過維揚有懷子相

淮南萬木落蒹葭鴻鴈秋迴瞻大江水極眺黃河流念
此區中士天翰阻同游巖巖麗神京英俊滿賓幃豈乏
攜手好抗志乃綢繆浮沉衆自覩安測衆所由奈何各

分離徽音邈以脩子如宵行燭分輝均道周予如汀際
鴛哀鳴望其儔

淮陽署中早起作

九衢晨鐘競千門秋色扃隱隱赴人語稍稍迫稀星虛
戶漸舒白條松尚蒙青光華迥一照暝晦失千靈感彼
狴中士凜慄向嚴刑伊予奉明役薄劣敢遑寧

為子與贈吳生

朋友天地間斯途日荆棘吳生山海人雅好在朱劇十

六游燕市頗與酒徒暱一諾傾市中寒榛迴生色徐子
幸見知握手為莫逆徐子無一錢英賢羅賓席生也輟
朝餽力為助其嗇生也無一錢大笑秋雲白千金或再
至心知恐遂失營衛未掩身於人計長溢嗚呼豈有要
浮雲愧變易不見擾擾者原申無上客

寄徐郎中文通

脩途岐交踪遐慕並夙軌伊昔沐休邁西游徐與李
于時名外違心不復已結珮遺所歡要之相終始斯道

多苦心勇者竟其止君行在何所乃在劒門裏層空削
蛾眉懸索僅度指下臨千仞壑迴湍浩無底周營戒一
失那能不涉此

贈俞山人允文

仲蔚足下亡恙長沙新建據高收廣挾聲起聽
號為霸儒逮邇晉江毗陵歛起創立耳觀之輩
蠅襲若狂五鹿嶽嶽疇能折角哉僕每心語未
嘗不扼腕發噫也然又有小異不然者吳中一

二君子豈負階位足重童習嫗解便翕然見稱
今遂成習耳不復可拔矣何圖眼底李生之外
更覩足下班荆晤言自足千古居謂李生苟於
斯域無窺雖令貴洛陽之紙靡救湮沒誠悟一
二覆瓿之餘必有起而誦者名山大川藏亦何
晦顯亦焉忤足下勗之夫嚴鄭勘華揚馬淹秩
既備其長復修厥短不傳何哉僕將北矣久苦
兵革兼狗簡書形離神授能有幾何聊貢數言

效其區區

束髮慕姣服遠媾托幽燕名都富奇娼入門各自妍何
意南威子晦迹廁通屢爛若朝霞際濯若澄露鮮蘊步
肌芳發黛粉出天然璞璧剗光輝何悟天質完惜哉狎
游客口觀失朱顏施杜滿中洲蘭芬竟何言

其二

冠蓋羅長道畸人困偃仰極眺六合間浮雲何惝怳焉
覩槁與壤含露發清響浩浩滄溟流珊瑚罥其網雖靡

任公力躡步思決滌相顧及千載時好忽以往灼灼中
園華疇能無歡賞不因涼颼候寧知同草莽

其三

伊予際微邁素短應人畧冠珮嬰其躬容顏為時作鴻
鵠漸華階雖重非所托貴賤當岐趣念欲兩居薄人生
非根株取願誰能博華卿縻好爵管生蹈丘壑龍質既
以殊低昂成虛度慨然革余往從子甘藜藿

別李于鱗

今日別我友還望之故鄉故鄉豈無歡我友安得將行者慘不輝居者以彷徨肉骨雖掣拊既析亦相忘惟有肝與膽委照差可方焉顧非日月東西揚景光情知諧親邁乃在媒慨慷雖有綢繆淚何以寫中腸

其二

韋布走四海萬乘失一畸懸知勢分劇心各有所施躑躅生人間含悃將向誰夫子絕儔匹吾道幸不疑出門各有好謂為媚予私矯矯孤鳳皇翩翩嚮幽歧鳴臬喧

中野鷗鷖駭卑枝山鷄學儀羽舉世安可欺

其三

置酒前為別炙笙治哀絳中有豔明璫二八絕代姿輕
裾迴芬發自然成蛾眉色授不能道婉孌心所知彈作
雙鴛鴦流颺忽間之含辛上車去引領涕沾衣時俗慕
朱顏朱顏識為誰

古意寄李于鱗

幄中有奇質擬是吳宮姝腰間瑰瑜珮耳綴大秦珠宛

若驚鴻度灼如舜華數動搖幽芬發行止宮商俱游徒
非古歡枉盼意相驅禮亂併一身千金在須臾明誓指
秋天誰能信不渝臨當相訣絕抱此盡區區

其二

黃鵠辭天池周游於中土秋禾鬱如繡徘徊能無下所
顧充口腹當眸失罟罟斑斑原中雉躑躅同鼎俎以此
唳霄質俛首凡禽伍

古意再貽于鱗

飄風起何因吹氛蕩華月為照雖未周疇能譏其缺衆
草媚春暉亭亭違陽栢雪霜心已知侵凌表孤直東道
不見明愚者嗤無益覩縷類讒詞要子在深擇子其寧
爾懷齊軌之中陌

其二

結髮奉君子明誓要不薄山嶽起蒼黃懼途為悲別思
喻隨形影昏旦無期輟上堂顧宗祀下堂顧身托驅車
周道中足若羅荆棘松秀太華顛虞同稂莠植豈不亮

子心愛深生慮博

贈謝榛

脫屣平原客振衣燕昭臺吾人實龍矯白日天崔嵬廣
陸奏清商悲風四垂來俯仰狎世觀一二當中懷拯厄
不顧知中介有餘諧親者無愧親排者任其排蕭索一
韋裳傲睨千古才擾擾冠蓋徒零落青門埃

貽吳舍人

日出羣動發大小各有營之子何所為泊然坐沈冥抽

翰挾華辭躑躅畏時英累却不遽前一出萬象驚銜杯
藉高咏指顧浮雲凝晶哉深沉思此物未可輕奚必公
與卿然後展高名不見揚馬輩為郎動西京

贈吳給事明卿

漢宮鬱崔嵬層霄繚阿閣維昔先后謨三靈奠鼎卜國
是豈不顯往往淪華轂仰觀雙飛龍天矯盤丹雘疇為
翼具尊高言贊宵服喬木抗衡颺卑枝欣有托翳子翔
天步栖栖安余樂

其二

岱宗何油油觸石起層陰
天喬希生態色飛詎能禁為
施苟失時被物故不任良苗
殺其根百草蔓相侵遠軌
牽流潦歸翰泥故林委棄衢
道間誰能明嘉霖天澤豈
不甘怨者諡為淫毋以賢達
資中彼讒夫心

高郵別子相

迴軫出君方脩途意彌惻
浮雲莽互馳奄然羲輪匿中
夜理夙炊惋戀不能食往邁
豈乏歡念若遺行跡姣服

諧竒慕安能顧掩抑舉世各自矜娟倩無終極脉脉覩
何言答此眉間色

贈子相考功

猗猗孤生蕙托根泰山崖上蒙千尋榦下臨百仞谿雨
露既無當地勢使人疑陽春自何來為我發光輝馨香
中思奮不能自致之綠葉縹紫莖令其媚庭階物性雖
無適貴在得所施

其二

飛來孤白鶴，皚若流雲色。秋冥發扶搖，直上萬里息。朝
飴芝田實，夕擊方壺碧。蒼鷹摩天來，雖峻非我匹。彷徨
思儔侶，躑躅不能食。俯見荒丘莽，下有華池翼。鳴皋一
唱和，鴻濛聽為圻。所希在同聲，寧論奮栖跡。

寄俞仲蔚

維昔休明代，委運忘悅康。山澤饒棲遁，霄漢富翱翔。窮
顯無鰥職，操志畧相當。念余與之子，攬佩擷奇章。弱植
不固含，明廷幸見揚。恒恐摧剥候，玄露負微芳。四兵東

南來殺氣被乾綱湖海波蕩濶一葦安得航桃李植通衢
寧摘固其常幽蘭秀深谷樵採虞見傷我生非磐石
焉覩鬢不霜奚必嬰禍羅百年等歸藏許子以不刊勗
哉愛景光

再贈謝榛

浮雲四何之高天莽回互空谷非所依疇能測衷慕念
我平生歡揮手不反顧朔氣日夜侵霜霰浩無度洪流
颯然交萬木倏改素廬巷瑾戶炊停車飢中路吐沫鮮

餘潤裁襦狹廣步隱士代失職達者慚其故欲以儉世
工御風而殮露

贈彭年黃姬水

日余讐夷嶠委跡竄吳中雖無蘭椒臭托佩君子躬彭
生挾秋實黃友擷春榮參差申微尚婉孌未逮終凱風
從南來吹我向幽邦親故感仳離遵渚餞賓鴻妙辭將
柔翰煜若雙琮璜揮手鶩聲途湛心耽患叢尺平生
好惆悵恨河嵩衆耳迫相求顯者代稱工慨此蓬蒿士

永謝輪鞅蹤撫壯豈需偕濛汜恐未容何以表殷勤江
介凋芙蓉矢言要齊軌庶其慰憂悰

答仲蔚

欲為仲蔚一剪蓬蒿貽詩見謝抒此奉答

當春彌不懌委薄日紛糝捐脰延遠懷密陰覆曾丘忽
枉故人書言短旨何脩蒼蒼眉間宇盡入雲霞流婉孌
若崇朝何云隔三秋黃鵠啄玄漿稻粱寧見謀雖蒙天
池泳不忘故匹儔願輅生食醯愧以嗜相投將為同枝

誓良辰去我適庭卉未揚芬欲報不能酬

貽梁伯龍

伯龍示我南游篇奇哉然多慷慨憂生之感某
薄有田廬足以送日而戚戚文罔鮮復遺致末
路榛集闇習未融徒自苦耳因成一章聊以相
廣云

喬木竦崩崖下臨千仞谿豈不虞傾折根株詎能移回
風吹轉蓬飄颻窮天垂念此歲云晏廓落竟焉歸兩慕

中未宣安觀已所悲周道橫豺虎飭步詎成規君子憂
世患小人偷自怡恒恐羲輪逝為謀不畢時唯有貽竹
素可以愜衷期

貽梁公實

箕斗亘穹霄萬古各相望精光無初合雖睽固其常自
予與之子明誓結肝腸孔雀畏北風徘徊竟南翔離思
生歡洽往邁積蒼茫如蘆洵絳哉茱萸發微芳寓目恐
見移於衷固無當采彼蕙蘭花衡湘邈以長白露雖天

物玄颺蕩為霜盛時不見佩枯槁空自傷

贈子與

丙辰春余北駐漁陽則聞子與戒輶而南余一
二兄弟星散矣不佞豈以聚散為吾道嗟乃有
遺懣焉

銜命首皇畿遵途薊北疆閭闔風雲至迴瞻浩蒼蒼慨
我同心友攜手周道傍廓落鮮故歡踟躕問他方行人
無期返留者恐不長念欲更余轍偕子以遨翔

其二

遨翔黃鵠顛焦螟望為疑昔與二三子堅白守空規天
貽喬松質何懼風不持豈意雷霆舉擊我雙連枝寧無
一杯酒杯盡華嵩移延首盼穹荒惛然中奮飛

其三

奮飛以何為行邁指三吳黃金填城郭兵甲蕩為墟天
地不相親生人安得娛豺狼來稱友荊棘奪我廬與子
殊形影所往竟難俱

其四

難俱亦何言意至輕別離鳴騶越脩坂飛蓋風逶迤陽
春緣輪發白日借光輝大小各有營焉能預為期明河
中蕩漾三星亦相辭

其五

相辭攜年逝玉貌焉獨留堂下三株桃遺核手為培再
見如人立三見等松楸湯湯黃河水浩浩東南流白骨
日夜消猶能積為丘亮無安期藥何以經千秋

其六

千秋無終極蛾眉若朝霜初陽雖云薄凝氣自無常
蒙莊憂生士憂在等彭殤畏至欲無言離居能自臧
晶晶雙圓景終古媚其光太嶽鼓洪鑪流風扇八荒

贈盧枏

歲蕤山中桂零落隨飄揚何意迴風起將爾向高堂
綺裯承金粟四坐譽芬芳蕭艾故匹儔歛分終道傍
履榮雖諧遘超賤詎無方受質既殊倫疇能竟不臧
唯有傾

城國可以喻文章

其二

國相脫齊驂越石始稱人寧為終胥靡不作下坐賓區
區夷門卒偃蹇魏王孫執轡恭彌下因踈翻見親雖非
巢由節兩分故相尊盧生完城旦磬折何逡巡寧無知
音望倉卒誰見伸肉食侵士權藜藿竟焉陳

其三

丈夫所貴生豈在鄉閭雄文章一睚眦縲紲被其躬白

刃幸見違溝壑又來宮脫粟寄他家焉能先日春陳騷
激飛霜演辨駐回風遂令黃河水西與岷湘通造化雖
無情為恩寧不終矯矯邢大夫千秋以先容

答陸鳴羽秀才

晨翮慕勁颺夕羽眷喬林子稱爛白石子游倦黃金箕
踞灌木陰四野助悲吟世才總津要吾道甘陸沉出處
毋論跡所希在知音

贈許殿卿左遷鎮夷州

送子城東門言適萬里道維昔羅施境亥步困周討高
天閼清泠毒霧施百草魑魑竄深穴山都啼木杪靈靈
去蹤綿悠悠回輪渺妖氛纏南極汗漫無時曉在遠雖
明代猶虞不自保蘭荃饒香澤金氣成枯槁何以貽所
歡誓言偕衷好

答周比部脩昌見懷

我有盈樽酒與子結綢繆懽悰未逮終當縈黃河流樞
馬媚其羣三星起相讐飛藿因風值飄蕩不自謀綠綺

何方來含音媚以悠安得凌霄翰並起雙遨遊

其二

泰山何崔嵬乃在天之東海日割夜生元氣浩無終上
有七十帝往往蒼苔封吾子挾飛僊乘化觀鴻濛區區
雲門色焉以駐游蹤

其三

釋勒挹濟流返駕閱齊菑曖曖芳草色千里綠成莢春
暉將見娛曠處反為悲俱稱遠游子行留竟焉岐往邁

匪不繁今追良已稀唯有飛鴻羽可以展遙徽

贈周武岡脩昌時以考功法坐浮薄謫

長安旭日動輪鞅錯中逵飄蓋青雲端徒御亦光輝朝
游平津邸夕讌曲陽池為快非一狀志士鮮所希窮巷
春風來往往與醉期一聞預汰議幘被省中歸微哂向
時人茲險胡不夷

其二

蒼蒼千秋色沈沈何時旦一與王生游遂為浮薄冠尊

酒闌他人詩書同茲難尋形誚嵇阮傳聲依絳灌雖隣
長沙謫尚邇交州竄拂拭瑤琴徽為君再三歎

其三

子昔游荆門守相效前驅山川來笑人手板今與俱萬
事相低昂吾道竟焉殊峽雪寒自堅巫雲暮還舒雖有
千金藥狂疾勿令除王生在東海東海亦吾廬

寄茂才陸師

少小踈劍術委神役詩書思厭曼容祿將尋仲長廬微

好不逮宣躑躅東海符解醜虞闕芒烹鮮守餘模行逢
少年子磬折安所圖顧影若杯棬何能不抑揄勞翰媚
深林潛鱗冀天衢吾師荆山秀三刖泣路隅至寶不自
明誰為辨璫璣一朝奏秦廷光映十五都春華隨陽逝
秋英方見舒大美終必揚蚤莫竟焉殊遠言營丘伯乃
是老匹夫通記菑川生六十滯公車茫茫通人趣變化
在泥塗願言保真貴為子盡區區

故人王逢年書來云留辟太保府中書記多甘泉

應制之作且為日東訪余于青州率爾言答

在屈龍從螭乘伸鵠為鳳言念子淵材無慚部史貢講
德既有述得賢能無頌夕吐丞相茵晨割大官供驂喬
白鹿新祠滇碧鷄重隱大難為名才多不自用遠戍謹
鯉械孤臣抱醢甕朝星稷下士汗雨臨淄衆赤丸晝瞥
起綠沈春恒動敢衰擁篲迎恐乖炙轂送願以湖海心
托君雲霄夢

遣信要徐汀州入計不值聲問久空言此志慨

客歲何鬱鬱聊止太山隅言念平生親躑躅鮮與娛使
君東南來五馬不踟躕音塵曠無接形影忽若殊昔合
膠投漆今離葉辭株昔憐扶竹生今愧並鳥徂安得乘
雲氣長與故人俱恒恐焱風至棄擲在須臾變態中心
交焉能測所如感此清商曲絃絕調彌孤

馮子覽余簿集裁詩譽借率爾奉酬因見傾倒

蹇余負偏業束髮慕修辭雖非通人好往往中所私獲
落青雲交泥塗漸言歸清廟奏朱絃聽者晨已疲更為

新聲轉四坐盡歔歛識曲辨其真邁子良以希流水何
冷冷歸鴻在遙圻為君起三歎拂拭黃金徽

別李于鱗

黃鵠何昂藏肅肅金為衣感帝發嘉祥徵歌幸見儀非
無稻粱惠所志在天池矯吭中宵鳴悲聲揚四垂翩翩
隨陽鳥夙昔幸相依托身昆弟間小大不自疑衝飈如
弦發儵忽棄南歸言歸非一狀欲舉復徘徊短翮雙枯
蓬安能中迅飛銜蘆化為棘口血正漣漣鵬鷃橫空來

置網布川坻鼎俎在斯須長與故侶辭存者千里隔沒
當千歲期起顧見晨星東北乍離離一為鴻鴈曲涕咽
不成洩

其二

邁難走齊郊忤營厭微生微生且不惜焉在冠與纓何
意雙絲短羈紲我長征羸馬顧其轅跼蹐悲以鳴對影
慚鬚髮不如一緹縈浮雲東北馳圖景赴西溟俯見黃
河流濺濺感人情宋意不可期誰為變羽聲睞辭將飛

素白虹亘青冥落木先蓐收旦知清露零匣中五絲桐
為我奏不平誠知絃當絕流水盡君傾

別徐汝思

張祖在河梁悵悵不忍辭戢身就一葦翩翩焉所歸河
水日夜生原樹為之低烏啼正騷屑陽鴈感仳離曾是
肥遯占改繇就明夷白日吐雷霆青陽霜惜悽懸山呼
庚癸誰問渴與饑時難人心出介者終不移良雨固均
沾枯槁被殊私合并將何日冥報其庶幾

天津問汪氏不遇

惻怛赴家難倉皇納符節露宿寄杪蟬水征委波葉伏
闕將上章微誠希見雪滄溟浩茫茫精衛日銜血螻螳
悲原土虎豹守天闌次且夷門里冀與侯氏訣河嶽變
須臾風雲走飄瞥豈乏長者過蓬蒿掩其轍乃知洗潁
意懼貽焚山孽同隱復異悰含辛當誰說

彰義門別舍弟作

繾綣西郭門倉惶見車轅豈無連珠淚哽咽不能彈車

人唱登程掩耳畏游環鴻鴈孤飛鳴噉噉悲以酸歲暮
有臨岐乃在兄弟間況我羅家難嚴親滯深犴百卹在
二人行留竟何言留者差一身行者百念攢白日布高
天不照幽谷寒高天會有卑幽谷會有遷豺虎卧中逵
狐狸為司藩勗哉閱其口毋乃令人傳

答俞氏

僕以家難北上仲蔚實送余舟次摧藏掩抑有
千古之慨不復能措一辭既事小解乃追理往

邁著詩三章按宮變徵嚴霜夏零於乎微言之
致如此哉勉抒鄙懷奉次非敢酬酢來雅庶幾
區區銜卹之私耳

肅肅短後衣烈烈北風吹譬彼羅原雉毛羽乍摧頽婉
孌唯古歡躑躅惠來綏言當諧繾綣不謂中乖離欲留
不須與往者會無期臨別仰天歎星斗縱橫垂腹中雙
車輪宛轉先路馳

其二

嚴冬河水涸扁舟不可方君子念此離中夜奏清商四
坐皆掩袂欲起更彷徨浮雲南北垂宿鳥東西翔我欲
和此曲沈塊結中腸竦身就危途歡愛竟茫茫勗哉居
平思母為厭景光

其三

悲與知友別生死盡一言請說南山松差我上摩天陵
谷中崩潰儵忽委道間虛有榱棟材誰為匠石宣樵夫
薪其枝斤斧日丁丁長當辭丘壑掩鬱復怔忡中有千

歲膏下有萬年苓
芬芳幸未歇
倘以奉遐齡

沙頭送曹甥比部之京作

之子初赴除
張筵廣川涘
飄蓋垂楊端
征駒草相媚
伊余芒屨者
徑來一把袂
偶詠顏遠篇
不揮殷生淚
歸卧東海廬
蒼然白雲至

古意慰子與使君

南山孤松栢
落落干蒼冥
天籟發其顛
旦夕鸞鳳鳴
烟霞時棲托
日月避精靈
玄霜冠穹來
鬱鬱不改青
何意

東風舉推我虬龍形語客請勿輕客亦勿見凌東風謚
為狂松栢自有名中有千歲脂下有萬年苓

送華存叔北上

大江日夜聲寒雲推天黑江頭一樽酒言餞東山客鴻
鴈因高風翩翩各南北念當垂形影昵昵不忍釋王睢
為代言乘時厲羽翮撫壯當及功豎儒多自失隗俄燕
昭臺黃金栖其側毋以千里資輕為世人得驤首忽長
鳴幽州莽生色

病中別沈子嘉則之揚州

溽炎始見蠲微痼俄相逐故人棄我去使我驚局促雜
緒難盡言輕帆易辭目惆悵離後思廣陵雨中綠

復張幼于

荆璞雖自良在閔誰見賞鳴球懸東序匪搏焉為響托
契並冲融揚輝何高朗之子鄧林彥髻年吐神爽鸞姿
謝雕飾蠖伏韜宏養雖爾時所趣居然汰羣獎九域衡
捍闔千齡恣偃仰乃以拙薄姿當君中心往御李匪自

華比揚仍差長樹敵牙頰間抗交雲霞上攜手汎具區
所覩但決滸日月馳雙馭乾坤發遙想勗哉愛蘭芬毋
使淪霜莽

過揚州留寄方德新侍御

君前潞河發我前廣陵去野人工策蹇使者虛乘遽北
風江上來停雲冒成絮歸心亦如此安能為君住惆悵
叢桂月蒼蒼已如霧含辛即路岐攄衷在毫素

贈陸丈人

逢君衢路間憔悴車馬姿斗酒相慰勞拂拭故冠衣長
跪問舊鄉掩涕不自支催徵多異政廬井無新炊昔為
州郡佐投劾強言歸今者一老翁縣官更相欺弱息苦
不任白首願多違誰云田家樂翻令仕路嗤彭澤者何
人當其歸去時種秫以卒歲高枕咏皇義我欲營菟裘
太息不成辭

弇州四部稿卷十三